



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

Christophorvs Plantinvs pio Lectori.

**urn:nbn:de:hbz:466:1-44973**

91

CHRISTOPHORVS  
PLANTINVS  
*pio Lectori.*

**P**OETICAE dictionis iucunditatem ARIAS MONTANVS ad res diuinas & sacrorum mysteriorum argumenta canenda transfert ita temperatam , vt Ioue, Phœbo, Mercurio, Marte, Vulcāno, Baccho, Iunone, Venerc, atque illis aliis innumeris monstrosæ ac sacrilegæ vanitatis nominiibus, (sine quibus doctum & gratum carmen constare non posse quidam falso autumant) penitus relegatis; & cæteris prophanicis ornamentiis, qualia sunt Parnasus, Aganippe, Phocis, Elis, Penneus, Arethusā & Olympus, prætermis-  
sis; ex diuinorum librorum vera & inexhausta sapientia, utilissima sententiarum pondera, & gratissima verborum etiam poëticorum variarumque ornamenti rerum proferat, quæ delectationis multum, utilitatis atque eruditionis plurimum, auditoribus afferre possunt.

Hoc

Hoc itaque consilio singulas varijs generis odas singulis Vatum libris à se explicatis adiungit: in quibus præter debitam Deo pro absoluto commentatorio gratulationem, opportuna quoque ex vaticinij vniuerscuiusque argumento doctrinæ præcepta exemplaque exponit; atque eadem opera multorum ex sacris libris locorum vel sententiam aperit, vel notitiam indicat. Orandus verò nobis Deus est, ut quæ ille ad sacrosanctæ Religionis cultum, & Catholicæ Ecclesiæ usum cogitat & meditatur, efficere ac præstare possit. Nam præter alia plurima, poëticam artem Dei dono magis, quam humanæ disciplinæ præceptis constantem, in suum locum, hoc est, in veræ pietatis templis & sacraria restitutam, diuinis mysteriis canendis consecrare & instaurare exoptat.